



JABATAN KEMAJUAN ISLAM MALAYSIA

TEKS KHUTBAH AIDILFITRI

Tajuk :

BERDAMAI DALAM DAKAPAN SYAWAL

Tarikh Dibaca :

1 SYAWAL 1446H

Disediakan oleh :

JABATAN KEMAJUAN ISLAM MALAYSIA



جَاهُتَةُ كَمَا لَوَانِ اِسْلَامِ مَلِيْسِيَا
JABATAN KEMAJUAN ISLAM MALAYSIA

BERDAMAI DALAM DAKAPAN SYAWAL

1 SYAWAL 1446H

اَللّٰهُ اَكْبَرُ ، اَللّٰهُ اَكْبَرُ ، اَللّٰهُ اَكْبَرُ
اَللّٰهُ اَكْبَرُ ، اَللّٰهُ اَكْبَرُ ، اَللّٰهُ اَكْبَرُ
اَللّٰهُ اَكْبَرُ ، اَللّٰهُ اَكْبَرُ ، اَللّٰهُ اَكْبَرُ

اَللّٰهُ اَكْبَرُ كَبِيْرًا وَالْحَمْدُ لِلّٰهِ كَثِيْرًا وَسُبْحَانَ اَللّٰهِ بُكْرَةً وَّاَصِيْلًا ، لَا اِلٰهَ اِلَّا اَللّٰهُ وَلَا نَعْبُدُ
اِلَّا اِيَّاهُ مُخْلِصِيْنَ لَهُ الدِّيْنَ ، وَلَوْ كَرِهَ الْكَافِرُوْنَ ، لَا اِلٰهَ اِلَّا اَللّٰهُ وَحْدَهُ ، صَدَقَ وَعْدُهُ ،
وَنَصَرَ عَبْدَهُ ، وَاَعَزَّ جُنْدَهُ وَهَزَمَ الْاَحْزَابَ وَحْدَهُ . لَا اِلٰهَ اِلَّا اَللّٰهُ وَاللّٰهُ اَكْبَرُ ، اَللّٰهُ
اَكْبَرُ وَلِلّٰهِ الْحَمْدُ .

اَشْهَدُ اَنْ لَا اِلٰهَ اِلَّا اَللّٰهُ وَحْدَهُ لَا شَرِيْكَ لَهُ وَاَشْهَدُ اَنَّ سَيِّدَنَا وَنَبِيْنَا مُحَمَّدًا عَبْدَهُ
وَرَسُوْلَهُ . اَللّٰهُمَّ صَلِّ وَسَلِّمْ وَبَارِكْ عَلٰى سَيِّدِنَا مُحَمَّدٍ خَاتَمِ الْاَنْبِيَاءِ وَالْمُرْسَلِيْنَ وَعَلٰى اٰلِهِ
وَصَحْبِهِ اَجْمَعِيْنَ . اَمَّا بَعْدُ ، فَيَا عِبَادَ اَللّٰهِ اتَّقُوا اَللّٰهُ ، اَوْصِيْكُمْ وَاِيَّايَ بِتَقْوٰى اَللّٰهِ وَطَاعَتِهِ
لَعَلَّكُمْ تُرْحَمُوْنَ ، قَالَ اَللّٰهُ تَعَالٰى فِيْ كِتَابِهِ الْكَرِيْمِ ، : اَعُوْذُ بِاللّٰهِ مِنَ الشَّيْطَانِ الرَّجِيْمِ :

﴿ اِنَّمَا الْمُؤْمِنُونَ اِخْوَةٌ فَاَصْلِحُوْا بَيْنَ اَخْوِيْكُمْ وَاتَّقُوا اَللّٰهُ لَعَلَّكُمْ تُرْحَمُونَ ﴾ ﴿١٠﴾ الحجرات: ١٠

Muslimin Muslimat yang dirahmati Allah,

Bertakwalah kepada Allah SWT dengan melaksanakan segala perintah-Nya dan menjauhi segala larangan-Nya. Perbanyakkan berselawat ke atas Baginda Rasulullah SAW. Mudah-mudahan kita sentiasa berada dalam rahmat dan keredhaan Allah SWT di dunia mahupun di akhirat. Saya mengambil kesempatan untuk mengucapkan Selamat Hari Raya Aidilfitri kepada seluruh umat Islam dan pada pagi Aidilfitri yang indah ini saya akan menyampaikan khutbah yang bertajuk: “Berdamai Dalam Dakapan Syawal”.

Saya ingin berpesan kepada seluruh umat Islam untuk terus istiqamah memenuhi masjid bagi mendirikan solat secara berjemaah sebagaimana Ramadan lalu. Saya juga tidak akan jemu menyelitkan sedikit pesanan untuk kita terus mengenangkan nasib umat Islam di Palestin yang menjadi mangsa kekejaman rejim zionis Israel *laknatullah 'alaihim*. Semoga Allah SWT memberikan mereka kemenangan, keamanan dan kebahagiaan di tanah air mereka yang mereka cintai. *Insyaa-Allah*.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ

Muslimin Muslimat yang dirahmati Allah,

Hari Raya Aidilfitri mengingatkan kita tentang nilai kesyukuran atas segala nikmat yang Allah SWT telah kurniakan. Sepanjang Ramadan, kita telah berusaha menahan lapar dan dahaga, menundukkan hawa nafsu serta mendekatkan diri kepada Allah SWT. Kini, dalam bulan Syawal, kita perlu meneruskan amalan kebaikan yang telah kita latih selama sebulan. Jadikan Madrasah Ramadan yang kita lalui sebagai pencetus perubahan diri ke arah yang lebih baik. Teruslah melazimi solat berjemaah di masjid, menghadiri majlis ilmu, bersedekah, membaca al-Quran, berzikir dan sebagainya kerana ibadah-ibadah ini bukan hanya perlu dilakukan di Bulan Ramadan bahkan sepanjang hayat kita sampai kita mati.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ

Muslimin Muslimat yang dikasihi sekalian,

Islam mengajarkan kita untuk sentiasa hidup dalam keharmonian dan mengutamakan perpaduan ummah. Allah SWT berfirman dalam Surah al-Hujurat, ayat 10 yang dibacakan pada awal khutbah, bermaksud:

“Sebenarnya orang-orang yang beriman itu adalah bersaudara, maka damaikanlah antara dua saudara kamu (yang bertelingkah) itu; dan bertakwalah kepada Allah supaya kamu beroleh rahmat”.

Ibnu Kathir menjelaskan dalam tafsirnya bahawa ayat ini menegaskan hubungan persaudaraan antara sesama Muslim bukan sekadar hubungan sosial tetapi merupakan ikatan akidah yang perlu dijaga dan dipelihara. Jika terdapat perselisihan atau

permusuhan antara mereka, wajib bagi umat Islam untuk berusaha mendamaikan pihak yang bertelagah. Seterusnya takwa kepada Allah SWT yang disebut menjadi syarat utama agar untuk memperoleh rahmat dan kasih sayang-Nya.

Namun, realiti hari ini memperlihatkan perpecahan dalam kalangan umat Islam akibat perbezaan fahaman, politik, dan kepentingan peribadi. Sedarlah bahawa perbalahan ini hanya melemahkan kekuatan kita dan memberi peluang kepada musuh Islam untuk mengambil kesempatan. Oleh itu, Syawal ini seharusnya menjadi titik tolak kepada usaha kita dalam memperkukuhkan ukhuwah Islamiah dan mengeratkan hubungan yang mungkin telah terputus.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ

Muslimin Muslimat yang dirahmati Allah,

Indahnya Syawal yang menjadi detik manis dalam kembali mempertautkan hubungan antara keluarga, sanak-saudara dan sahabat handai. Seluruh ahli keluarga berkumpul merayakan kemenangan dan mempertautkan silaturahmi. Manakala sesama umat Islam kembali merapatkan saf ukhuwah. Syawal menjadi pendamai kepada umat Islam. Masing-masing saling memaafkan antara satu sama lain, berdamai dalam dakapan Syawal dan menziarahi sesama mereka. Bukan mudah untuk mengakui kesalahan tetapi apabila tibanya Syawal, masing-masing bagaikan diruntun untuk merungkai keegoan, lalu saling mengaku kesalahan dan memberi kemaafan. Inilah antara keindahan Syawal yang dihiasi dengan amal kebaikan yang sangat dituntut dalam Islam. Allah SWT berfirman dalam Surah ali Imraan ayat 134:

﴿الَّذِينَ يُنْفِقُونَ فِي السَّرَّاءِ وَالضَّرَّاءِ وَالْكَاظِمِينَ الْغَيْظَ وَالْعَافِينَ عَنِ النَّاسِ وَاللَّهُ يُحِبُّ الْمُحْسِنِينَ﴾ (134)

Maksudnya: *“Iaitu orang-orang yang mendermakan hartanya pada masa senang dan susah, dan orang-orang yang menahan kemarahannya, dan orang-orang yang memaafkan kesalahan orang. Dan (ingatlah), Allah mengasihi orang-orang yang berbuat perkara-perkara yang baik”.*

Malah dalam sebuah hadis riwayat Imam Muslim daripada Abu Hurairah *radiallahuanhu*, Rasulullah SAW bersabda:

وَمَا زَادَ اللَّهُ عَبْدًا بِعَفْوٍ إِلَّا عِزًّا

Maksudnya: *“Allah tidak menambahkan kepada seorang hamba dengan suatu kemaafan melainkan kemuliaan”.*

Sedarlah bahawa sifat pemaaf bukan tanda kelemahan. Sebaliknya ia merupakan jalan menuju kemuliaan dan kehormatan di sisi Allah SWT dan manusia. Ketika mensyarahkan hadis ini, Imam an-Nawawi menyatakan bahawa hadis ini menjelaskan seseorang yang memilih untuk memaafkan, Allah akan menggantikannya dengan kemuliaan, baik di dunia mahupun di akhirat.

Rasulullah SAW juga merupakan insan yang paling pemaaf. Dalam banyak peristiwa, Baginda memilih untuk memaafkan walaupun Baginda mampu membalas kejahatan dengan hukuman. Antaranya, ketika peristiwa *Fathu Makkah*, Baginda memaafkan kaum Quraisy yang selama ini menzalimi Baginda dan para sahabat dengan dahsyat. Ibnu Hisyam dalam *Sirah Nabawiyyah* meriwayatkan bagaimana Baginda membebaskan mereka semua dengan bersabda:

اذهبوا فانتم الطلقاء

“Pergilah, kamu semua bebas merdeka”.

Maka, siapa lagi yang hendak kita ikuti dan teladani, sedangkan Baginda jualah sebaik-baik contoh teladan kepada kita semua.

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

Muslimin Muslimat yang dirahmati Allah,

Dalam semangat Syawal, kita harus mencontohi akhlak Rasulullah SAW dalam menangani perselisihan. Baginda sentiasa mengutamakan dialog, berlapang dada, dan bersikap pemaaf dalam menyelesaikan konflik. Sikap ini bukan sahaja menjernihkan hubungan, tetapi juga menguatkan kesatuan ummah. Inilah asas masyarakat madani yang berdiri atas sikap hormat dan ihsan yang telah dilatih melalui tarbiyah Ramadan.

Justeru, marilah kita semua menjernihkan hati untuk saling memaafkan, saling berdamai dan saling menjaga antara satu sama lain. Jadikan Aidilfitri sebagai satu platform untuk kita terus memperkukuhkan nilai-nilai keislaman dalam kehidupan seharian. Amalan seperti berpuasa enam hari di bulan Syawal, memperbanyakkan sedekah, serta menjaga hubungan baik sesama insan perlu diteruskan.

Di samping itu, ingatlah saudara-saudara kita yang kurang bernasib baik, sama ada di dalam mahupun luar negara. Ramai dalam kalangan mereka masih diuji dengan kemiskinan, peperangan dan penindasan. Maka, dalam kegembiraan kita meraikan Syawal, marilah kita mendoakan kesejahteraan mereka serta membantu mereka dengan segala kemampuan yang kita ada.

Sebagai penutupnya, saya ingin tinggalkan beberapa pesanan untuk semua;

Pertama: Bersyukurlah kepada Allah SWT dan teruslah mendorong diri untuk berubah ke arah yang lebih baik hasil didikan sebulan Ramadan.

Kedua: Persaudaraan bukan sekadar hubungan sosial tetapi merupakan ikatan akidah yang perlu dijaga dan dipelihara. Kita wajib mendamaikan antara umat Islam yang berselisih dan bertelagah lebih-lebih lagi dalam keberkatan Syawal yang mulia.

Ketiga: Jadikan Aidilfitri sebagai medan untuk kita meneruskan nilai-nilai mulia dalam kehidupan seharian. Sedarlah, Aidilfitri bukan sekadar perayaan yang bertujuan memperagakan pakaian dan hiasan indah, bermegah-megah dan penuh dengan kelalaian yang merugikan.

Renungkanlah Firman Allah SWT dalam Surah al-Kahfi ayat 103-104:

﴿ قُلْ هَلْ نُنَبِّئُكُمْ بِالْأَخْسَرِينَ أَعْمَالًا ﴿١٠٣﴾ الَّذِينَ ضَلَّ سَعِيَّهُمْ فِي الْحَيَاةِ الدُّنْيَا وَهُمْ يَحْسَبُونَ أَنَّهُمْ يُحْسِنُونَ صُنْعًا ﴿١٠٤﴾ ﴾

Maksudnya: "Katakanlah (wahai Muhammad): "Mahukah Kami khabarkan kepada kamu akan orang-orang yang paling rugi amal-amal perbuatannya? (laitu) orang-orang yang telah sia-sia amal usahanya dalam kehidupan dunia ini, sedang mereka menyangka bahawa mereka sentiasa betul dan baik pada apa sahaja yang mereka lakukan".

بَارَكَ اللَّهُ لِي وَلَكُمْ بِالْقُرْآنِ الْعَظِيمِ وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلَ هَذَا وَاسْتَغْفِرُ اللَّهَ الْعَظِيمَ
لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ
الرَّحِيمُ.

اللَّهُ أَكْبَرُ اللَّهُ أَكْبَرُ اللَّهُ أَكْبَرُ، وَلِلَّهِ الْحَمْدُ

KHUTBAH KEDUA

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،
اللَّهُ أَكْبَرُ،

لَا إِلَهَ إِلَّا اللَّهُ وَاللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ فَقَدْ فَازَ الْمُتَّقُونَ.

Muslimin Muslimat Yang Saya Kasahi,

Marilah kita memperbanyakkan berselawat ke atas Baginda Nabi Muhammad SAW sebagaimana firman Allah SWT dalam Surah al-Ahzab ayat 56:

﴿إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا﴾



Maksudnya: “Sesungguhnya Allah SWT dan malaikat-Nya berselawat (memberi segala penghormatan dan kebaikan) kepada Nabi (Muhammad SAW); Wahai orang-orang yang beriman, berselawatlah kamu kepadanya serta ucapkanlah salam sejahtera dengan penghormatan yang sepenuhnya”.

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا صَلَّيْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مُجِيدٌ.

وَارْضَ اللَّهُمَّ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنْ التَّابِعِينَ وَتَابِعِي التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ الْأَكْرَمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ.

اللَّهُمَّ أَيْدٍ بِدَوَامِ التَّوْفِيقِ وَالْهُدَايَةِ وَالصَّحَّةِ وَالسَّلَامَةِ جَلَالَةَ مَلِكِنَا كِبَاوَهُ دَوْلِي يَغْ
 مَهَا مَوْلِيَا سَرِي قُدُوكَ بَكِينِدَا يَغْ د-قُرْتَوَانِ ائْخُوغْ سُلْطَانِ اِبْرَاهِيمِ .
 وَكَذَلِكَ كِبَاوَهُ دَوْلِي يَغْ مَهَا مَوْلِيَا سَرِي قُدُوكَ بَكِينِدَا رَاغِ قُرْمَايسُورِي ائْخُوغْ، رَاغِ
 زَارِيثِ صُوفِيَاةً .

اللَّهُمَّ احْفَظْ عُلَمَاءَهُ وَوُزَرَآءَهُ وَقَضَاتَهُ وَعَمَالَهُ وَرِعَايَاهُ مِنَ الْمُؤْمِنِينَ وَالْمُؤْمِنَاتِ
 بِرَحْمَتِكَ يَا أَرْحَمَ الرَّاحِمِينَ .

اللَّهُمَّ اجْعَلْ بَلَدَنَا مَالِيزِيَا أَمِنًا مُطْمَئِنًّا، سَخَاءً رَخَاءً، دَارَ عَدْلِ وَإِيمَانٍ، وَأَمْنٍ وَأَمَانٍ،
 وَسَائِرَ بِلَادِ الْمُسْلِمِينَ .

اللَّهُمَّ أَعِزِّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصِرْ مَنْ نَصَرَ الدِّينَ،
 وَأَخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ .

Ya Allah! Ampunilah segala dosa kami yang menggunung tinggi. Sesungguhnya Engkau jualah yang Maha Pengampun dan Maha Penerima Taubat.

Ya Allah! Bantulah umat Islam yang tertindas di mana-mana jua terutamanya buat saudara kami di Palestin. Berilah mereka kekuatan dan kemenangan dalam menghadapi musuh. Sesungguhnya hanya Engkau Yang Maha Perkasa dan Maha Menolong.

Ya Allah! Perbaikilah segala urusan kami dan urusan-urusan yang memberi kebaikan kepada umat Islam. Satukanlah hati kami seluruh umat Islam dan peliharalah kami dari perpecahan dan perselisihan yang sia-sia. Bukalah pintu hati kami untuk saling memaafkan dan bersatu atas kalimah-Mu yang benar. Sesungguhnya Engkau jualah yang Maha Mengetahui akan isi hati kami semua.

Ya Allah! Limpahkanlah rahmat-Mu ke atas kami dan negara ini seluruhnya dan jangan jadikan kami termasuk orang-orang yang terhalang dari nikmat-Mu. Jauhkan kami dari kemurkaan-Mu, marabahaya, bala bencana, kesengsaraan, kemarau, banjir, kezaliman, kesesatan, gempa bumi, angin ribut yang membinasa, kejahilan, baik yang nyata mahupun yang tersembunyi. Sesungguhnya tiada daya dan upaya kami melainkan dengan pertolongan-Mu Ya Allah!

Ya Allah! Bimbinglah kami ke jalan yang Engkau redhai. Hanya kepada-Mu jua Ya Allah, tempat kami mengadu dan memohon pertolongan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ،

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ١٠
فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُواهُ عَلَىٰ نِعَمِهِ يَزِدْكُمْ، وَأَسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ
اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ، وَلِلَّهِ الْحَمْدُ.

تَقَبَّلَ اللَّهُ مِنَّا وَمِنْكُمْ